

Lionárd Flóid

Co. Mhaigh Eo

**An mbaineann an freagra seo le tuairim phearsanta an fhreagróra nó an bhfuil sé déanta thar ceann na heagraíochta thuasluaite?**

Pearsanta

**An bhfuil tú toilteanach go bhfoilseofar an freagra seo ar shuíomh gréasáin na Roinne [www.ahg.gov.ie](http://www.ahg.gov.ie)?**

Tá

**Cumarsáid faoi alt 9 den Acht (Litreacha, ríomhphoist & cora poist)**

Dualgais reatha faoin Acht:

- Cumarsáid a fhreagairt sa teanga ina bhfuarthas í;
- Faisnéis i scríbhinn nó leis an bpost leictreonach a eisiúint i nGaeilge nó go dátheangach.

**1. I do thuairimse, an leor na dualgais seo, an bhfuil siad iomarcach nó an dteastaíonn leasú orthu?**

Beatha teanga í a labhairt - ba chóir dualgas a bheith ar gach comhlacht poiblí labhairt leat as Gaeilge ar an nguthán nó béal ar bhéal.

**Foilseacháin faoi alt 10 den Acht**

Dualgais reatha faoin Acht:

- Doiciméid áirithe a fhoilsiú go comhuaineach i nGaeilge agus i mBéarla (m.sh. tuarascálacha bliantúla, cuntais iniúchta, tograí beartais phoiblí, ráitis straitéise srl.

**2. I do thuairimse, an leor na dualgais seo, an bhfuil siad iomarcach nó an dteastaíonn leasú orthu?**

Ba chóir gach uile rud a chuireann comhlachtaí poiblí i scríbhinn a bheith dátheangach agus deireadh a chur le haon éiginnteacht.

**Comharthaí, stáiseanóireacht & fógairtí taifeadta béil faoi na Rialacháin faoin Acht (I.R. Uimh. 391 de 2008)**

Dualgais reatha faoin Acht:

- Cloí leis na Rialacháin maidir le húsáid na Gaeilge agus an Bhéarla ar chomharthaí, ar stáiseanóireacht agus i bhfógairtí taifeadta béil.

**3. I do thuairimse, an leor na dualgais seo, an bhfuil siad iomarcach nó an dteastaíonn leasú orthu?**

Ba chóir na forálacha thuasluaite a chur i bhfeidhm ina n-iomlán láithreach. Ba chóir gach rud a chuireann comhlachtaí poiblí i scríbhinn a bheith dátheangach - ó sheaicéid bhuí go comharthaíocht ar fheithiclí go cóin thrácht srl. Ba chóir foráil a chur i bhfeidhm maidir le lógónna agus ainmneacha branda, má tá aon chuid díobh inaistrithe go Gaeilge ba chóir é sin a dhéanamh agus an Gaeilge a bheith chomh feiceálach is atá an Béarla.

**Scéimeanna Teanga faoin Acht**

Is iad na scéimeanna teanga croílár an Achta Teanga. Leagtar amach sna scéimeanna teanga an córas trína bhforbraíonn comhlachtaí poiblí a gcuid seirbhísí trí Ghaeilge thar thréimhse ama. Is trí na scéimeanna teanga a dhéileáiltear le húsáid na Gaeilge ar shuíomhanna gréasáin, ar bhileoga, ar bhróisiúir, ar fhoirmeacha, trí sheirbhísí teileafóin, trí sheirbhísí idirphearsanta eile, trí sheirbhísí ar líne srl.

**4. (a) I do thuairimse, an bhfuil córas na scéimeanna teanga sásúil, an bhfuil sé iomarcach nó an dteastaíonn leasú air?**

Tá an-iomarca béime curtha ar scéimeanna - tá siad an-mhearbhallach agus contrátha agus an-iomarca maorlathais ag baint leo.

**4. (b) An bhfuil malairt córais a mholfá a bheadh níos éifeachtaí agus níos éifeachtúla?**

Ba chóir dualgais a chur ar chomhlachtaí le reachtaíocht i dtús aimsire. Mar shampla, ba chóir dualgas reachtúil a chur ar gach comhlacht poiblí leagan Ghaeilge a sholáthar dá gcuid suímh idirlín. Ba chóir scéimeanna a úsáid amháin maidir le cleachtais ghnó nach bhfuil comónta do gach comhlacht.

**Seirbhísí ó chomhlachtaí poiblí sa Ghaeltacht**

Sa chaoi is gur féidir leis an Stát tacú le stádas agus le húsáid na Gaeilge sa Ghaeltacht, tá sé an-tábhachtach go mbeidh pobal na Gaeltachta ábalta a ngnóthaí oifigiúla a dhéanamh leis an Stát trí Ghaeilge.

**5. (a) An bhfuil tú sásta leis na seirbhísí atá á soláthar trí Ghaeilge ag comhlachtaí poiblí sa Ghaeltacht?**

Níl mé i mo chónaí sa Ghaeltacht.

**5. (b) An bhfuil leasuithe a mholfá a chuirfeadh le héifeachtacht agus le héifeachtúlacht na gcomhlachtaí poiblí sa réimse seo?**

-

**Forálacha eile faoin Acht**

Tá forálacha eile san Acht a dhaingníonn cearta maidir le húsáid na Gaeilge san Oireachtas, sna cúirteanna agus i gcóras logainmneacha an Stáit.

## **6. I do thuairimse, an leor na forálacha seo, an bhfuil siad iomarcach nó an dteastaíonn leasú orthu?**

Ba chóir seirbhís ateangaireachta don Dáil agus do na cóistí a bheith mar riachtanas dlíthiúil. Má tá duine os comhair na gcúirteanna ba chóir Gaeilge a bheith ag an mbreitheamh agus ag an ionchúisitheoir. Ba chóir comharthaí bóithre na tíre a bheith ar aon dul le comharthaíocht nua ag comhlachtaí poiblí .i. an Ghaeilge chomh feiceálach is atá an Béarla. Tá gá le dualgas dlíthiúil a chur ar Shuirbhéireacht Ordanáis Éireann mapaí a chur ar fáil don phobal leis na logainmneacha dúchasacha orthu. Ba chóir le comhlachtaí phoist príobháideacha glacadh le logainmneacha dúchasacha.

### **Comhlachtaí poiblí faoin Acht**

Cuireann an tAcht dualgas ar chomhlachtaí poiblí, atá liostaithe faoin Acht, seirbhísí a sholáthar trí Ghaeilge. Tá liosta iomlán na gcomhlachtaí poiblí faoin Acht ar fáil ag [www.ahg.gov.ie](http://www.ahg.gov.ie).

Tá na comhlachtaí poiblí seo a leanas liostaithe faoin Acht – Ranna agus oifigí Rialtais, údaráis áitiúla, ollscoileanna, institiúidí tríú leibhéal eile, coistí gairmoideachais, an Garda Síochána, an tSeirbhís Chúirteanna, na Coimisinéirí Ioncaim, Feidhmeannacht na Seirbhíse Sláinte, gníomhaireachtaí, boird & cuideachtaí Stáit eile.

## **7. I do thuairimse, an bhfuil liosta na gcomhlachtaí poiblí faoin Acht cuí nó an dteastaíonn leasú sa réimse seo?**

Ba chóir d'eagraíochtaí atá maoinithe ag comhlachtaí poiblí nó atá ina chonraitheoir do chomhlacht poiblí a bheith faoi scáth an achta - mar shampla an tIonad Náisiúnta le Sonraí Bithéagsúlachta atá maoinithe go hiomlán ag an Roinn Comhshaoil. Má fhaigheann eagraíocht eile maoiniú ó chomhlacht poiblí le haghaidh togra, ba chóir foilseacháin agus comharthaíocht a bhaineann leis an togra sin a bheith dátheangach. Ba chóir gach scoil a bheith clúdaithe faoin Acht.

### **Oifig an Choimisinéara Teanga**

Is faoin Acht a bunaíodh Oifig an Choimisinéara Teanga. Is é príomhról na hOifige ná monatóireacht a dhéanamh ar chur i bhfeidhm an Achta.

## **8. I do thuairimse, an bhfuil cumhachtaí agus feidhmeanna na hOifige sin dóthanach nó iomarcach agus an dteastaíonn leasuithe orthu?**

Ba chóir an Oifig bheith in ann ordú cúitimh a ghearradh ar chomhlacht poiblí i leith duine ar rinneadh faillí air/uirthi. Ba chóir cigirí a bheith ag an Oifig le dul amach ag scrúdú cur i bhfeidhm an Achta gan brath ar ghearáin ag teacht ón bpobal. Ba chóir an Oifig bheith in ann ordaithe cúirte a fháil i gcoinne comhlachtaí poiblí chun iallach a chur orthu cloí leis an Acht.

### **Go ginearálta**

**9. An bhfuil leasuithe eile a mholfa ar an Acht le cinntiú gur reachtaíocht í atá oiriúnach agus cuí dá feidhm?**

Ba chóir gach ionstraim reachtúil a bheith le fáil as Gaeilge. Ba chóir gnóthaí príobháideacha atá ag feidhmiú sa stát seo a thabhairt faoi scáth an Achta seo sa mheán-téarma.

**10. Céard iad na seirbhísí trí Ghaeilge a bhfuil éileamh agat féin orthu ó chomhlachtaí poiblí nó an gceapann tú gur cheart tosaíocht a thabhairt dóibh?**

-

**11. Céard iad na constaicí nó na deacrachtaí a fheictear duit a bhaineann le seirbhísí ar chomhchaighdeán a sholáthar i nGaeilge ag comhlachtaí poiblí? Easpa foirne inniúil / cultúr eagraíochta.**

**12. Céard iad na leasuithe a mholfa ar an Acht le forbairt a dhéanamh ar sheirbhísí Stáit trí Ghaeilge ar bhonn éifeachtach agus éifeachtúil ó thaobh costais de?**

Cuóta a chur i bhfeidhm maidir le hearcaíocht agus ardaithe céime.